

49. Plenum anachoretis, qui lignum, *kusam* fructusque colligentes ex aliis sylvis advenerant, atque quibus ignis, quem colebant, vix intuendus obviam veniebat;

50. Refertum dorcadibus, oryzæ victui adsuetis, tugurii januam obstruentibus, ac si anachoretarum mulierum infantes fuissent.

51. In hoc eremo anachoretarum filiae arbores, quas irrigaverant, illico relinquebant, ut animum facerent avibus, aquam e sulcis libere adsuetis.

52. Ibidem dorcades, humi recumbentes in tugurii area, ubi, diei æstu præterito, oryza sparsa erat, ruminationi vacabant.

53. Eremus purificabat hospites, faciem eo convertentes, fumo, qui aura evectus flammam exortam indicabat atque sacrificii odorem spargebat.

54. Tum rex aurigam equos cohibere jussit, uxorem de curru descendere fecit, ipseque descendit.

55. Servatori illi digno, præceptis sacris obtemperanti, ejusque uxori, anachoretæ, fide digni, subactis sensibus, honorem tribuerunt.

56. Cærimoniis vespertinis finitis, rex vidit castigationum thesaurum, ab uxore ARUNDHATI, postquam ipsa consederat, assidere jussum, sicut AGNIS assidere jubetur a SVÁHA.

57. Rex atque regina *Magadhensis* utriusque pedes amplexi sunt, atque VASISHTHAS magister ejusque uxor comiter eos allocuti sunt.

58. Anachoreta regem, qui anachoretæ instar in regni eremo versabatur, postquam lassitudo, e currus quassatione orta, levata esset, de regni statu percontatus est.

59. Tum rex dives, urbium hostilium expugnator, loquentium decus, coram illo *Atharvanis* gnaro sermonem disertum locutus est :

60. “ Nonne prosperitas orta est in septem regni partibus, quoniam tu
“ mihi contra omnia infortunia, sive a diis sive ab hominibus imminetia,
“ defensor existis ?

61. “ Tuis, consilium dantis, incantamentis, vel e longinquo hostes cohi-
“ bentibus, sagittæ meæ, non nisi metam spectatam ferientes, supervacaneæ
“ redduntur.